

T2720.
~~T9115~~/1142

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17						
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/-39/33	42/57/29	82/4/79	51/50/-13	50/-28/-29	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68

拿山堂別集卷三十七

公侯伯表總叙

封建古制也而夏商於周周之天下遂請之而其
為公侯伯子男不能子男者為諸侯其命則有九而
至五其別則有同姓異姓而其別以功而
親疎本始并天下則身為諸侯其命則有九而
之士而始有侯伯子男之別其命則有九而
城制武之類備後所不知是或武之類備後所不知
不備則上下其間

弇山堂別集卷三十七

公侯伯表總叙

吳郡王世貞元美編

哈佛大學
哈佛宗
圖書館
藏印

封建古制也而莫詳於周周之天子僅稱至而其后
為公侯伯子男不能子男者為附庸其命則自九而
至五其別則有同姓有異姓而其封則以功德不以
親疎素始并天下創尊為皇帝廢封建公族無尺寸
之土而猶存侯爵為三等以待有功者列侯則如武
城通武之類倫侯則如建城武信之類皆有邑名而
不稱國下者則關中侯有封食而無邑名然皆金印

紫綬而列侯倫侯至位丞相上丞相之尊重者莫如
李斯九卿之見幸有大功者莫如蒙恬兄弟而皆不
得沾其慎貴可略推已漢高豁達裂天下以王諸子
弟及大功臣而其次則因秦之舊爲徹侯亦有關內
侯凡二等第功臣之爲王稚非其意至白馬之誓而
獨侯國存武帝狹海宇鞭誅四夷不愛通侯之印以
待有功者即功雖尠細或見錄天下之壤地不能侯
而國用則益侈於是苛爲之禁以伺其過即尠細亦
見削而高帝身與共創業之臣所餘無幾封拜日下
而侯國不日益漢地不小損自武帝而後封拜之與

削亦漸寡而終西東二京其制略相彷彿中間雖以
呂氏之擅王與新莽之盜爲公未幾輒罷自魏氏之
末司馬擅制始復爲五等曰郡縣公侯伯曰縣子曰
縣男皆得稱開國金印紫綬而關內侯有不開國者
顧反居子男下晉氏以至齊梁陳皆因之若北魏之
與北齊皆崇設王爵以待勲舊而其更有功者則別
封郡公侯或一人而儋三四爵然同姓異姓皆不得
爲國王而郡縣公侯益卑矣後周宇文泰辭安定王
遂以安定公終其身而其子篡魏進封功臣晉趙等
大國然皆稱公而不王隋氏因之至唐而始定以子

弟爲親王正一品其稍疎而有功者爲郡王功臣之
有功者爲國公皆從一品郡公以至侯伯子男則遞
降焉如趙公無忌梁公玄齡之類皆得世襲而它以
恩賜者或世與否自安祿山之爲東平王遂毀周例
而隄之然中興以後王公之格益輕至有佩橐鞬捧
酒炙而趨走於節度之庭者而封亦不復世矣宋興
復唐初之制以宗室之懿叙封王爵而其疎者與文
武大臣自國公而下至于子男徃徃以郊恩遞進徒以
媿其名而已戶不得言祿爵不得言世然猶斤斤守
其勤焉自蔡京之公兩國而公制紊矣童貫之爲王

而王制隄矣南渡以後所謂王者遂冒于宰執如檜
如侂冑如彌遠矣元承遼金之後王爵尤易即將相
非勲德可以一嘖笑而得之獨漢人至國公而止
明興

高皇帝之下建業草創未遑吳元年始拜功臣李善
長徐達常遇春爲國公而其它功臣之死勤事封疆
者有國郡公侯伯子男之贈然徃徃一狗元舊洪武
三年始大啟封建

皇帝之子爲親王親王之從庶子爲郡王而功臣則
公侯伯三等有世襲有流爵罷子男不置公侯位正

一品上伯位正二品上朝服進賢冠加籠巾貂蟬世襲者領鉄券流爵則否當是時封伯者僅二人忠勤之祿僅當侯三之一誠意至不能當六之一而其輕可知矣十年以後封東莞徽光祿遂與侯等至永樂初而始定居侯之下正一品之上其階勲皆與侯等而伯益重矣凡公侯伯之任入則掌叅五府摠六軍出則領將軍印爲大帥督留都莞鑰轄漕綱獨不得預九卿事大抵視漢以下獨隆崇云

高帝功臣公侯伯表

余讀

高皇帝洪武之三年功令未嘗不三復而嘆也曰嗚呼厚而裁則而可久矣當是時封公者六人而魏公功最大祿秩亦最重中山侯宿將也以一言之諄而不獲公德慶侯鉅勲也以一事之紕而不獲公永城封而貶東勝封而奪訓詞盖凜乎斧鉞焉夫孰敢有恣睢而隕於法者然至吉安江夏臨川東平之類抑何其殲夷狼籍也三年而後續侯者獨西番之役最盛平雲南次之其它以舊封伯錯封然至藍氏之株累而幾若掃矣夫以馮宋公傳穎公之雄而卒不免死嫌謂其不蔽法也而諱之即諱之猶不爲置後嗚

呼可歎也太史公言幽厲之後見於春秋尚書有唐
虞之侯伯歷三代千有余載自今以蕃衛天子豈非
篤于仁義奉上法哉漢興功臣受封者百有余人天
下初定故大城名都散亡戶口可得而數者十二三
是以大侯不過萬家小者五六百戶後數世民咸歸
鄉里戶益息蕭曹絳灌之屬或至四萬小侯自倍富
厚如之子孫驕溢忘其先淫嬖至太初百年之間見
侯五餘皆坐法隕命亡國耗矣網亦少密焉旨哉所
以稱網少密者人主不覩其先得天下之所繇是以
輕視其功臣而重利其土地人臣不覩其先得國之

所繇是以易爲慝而難爲守 明之國邑薄不過再
倍一公卿而已天子無所利之然而至嘉靖百余年
之間初所封六公僅一公在二十八侯其二侯進爲
公者亦絕而餘二十六侯亡里土乘駟之奉後封四
公二十一侯二伯亦僅西平武定在耳其故何也當
是時 天子紹明 先世之道慨然下

明詔太宰大司馬追攷故實收錄故鄂國公遇春曹
國公文忠衛國公愈信國公和後俱爲徹侯誠意伯
基後仍爲伯增其秩天下翕然歸厚焉而一時奉行
之臣不能推廣 德意至使宋穎二公遂不獲一比

肩曹衛而李韓公廖德慶吳江陰靖海之裔寥寥斬
一命之澤將無望于後聖哉夫繼絕世舉廢國天子
所以懷諸侯也則自古記之矣夫豈欺我故特紀之
而表其興廢云

韓國公李善長直隸定遠人初以書生從起義歷中
書省叅議叅政中書左相國吳元年平張士誠以帷
幄轉餉功封宣國公洪武三年以中書左丞相進封
加太師授開國輔運推誠守正文臣特進光祿大夫
左柱國叅軍國事食祿四千石四年致仕十年起總
中書省大都督府御史臺事明年削祿千八百石二

十二年坐流言自殺奪封長子祺駙馬都尉永樂元
年卒子芳留守衛指揮茂指揮僉事芳卒子恒停襲
恒子誠誠子宣宣子忒

魏國公徐達直隸鳳陽人從起義爲首將歷大元帥
同僉樞密院事奉國上將軍同知樞密院事中書左
丞右相國吳元年以平張士誠功封信國公洪武三
年爲中書右丞相征虜大將軍以平中原功進封加
太傅授開國輔運推誠宣力武臣特進光祿大夫左
柱國叅軍國事食祿五千石仍以大將軍北征及守
北平十八年薨子輝祖嗣初名允恭永樂元年以不

附靖難師下獄削爵五年卒子欽嗣十九年削爵二十二年復封尋薨子顯宗嗣正統十二年薨無子弟承宗嗣天順七年薨八年子甫嗣正德十二年薨孫鵬舉嗣萬曆元年薨子邦瑞嗣十六年薨子惟志嗣承宗甫鵬舉邦瑞皆數督留京守備

鄂國公常遇春直隸濠州人從起義歷中翼大元帥樞密僉院中書叅政平章政事吳元年以平張士誠功封授銀青榮祿大夫上柱國錄軍國重事洪武二年以中書平章軍國重事征虜左副將軍北征薨於軍洪武三年子茂襲改封鄭國公授開國輔運推誠

宣力武臣特進榮祿大夫右柱國祿三千石二十二年以金山驚納哈出誤機事安置廣西卒改封弟昇開國公永樂元年以不附靖難師安置雲南之臨安昇子繼祖繼祖子寧寧子復弘治五年 詔復爲南京錦衣衛指揮使卒子紹襲紹卒子經襲經卒子鳳襲鳳卒子玄振襲見永樂以後列侯表

曹國公李文忠直隸盱眙人帝姊子初賜姓朱尋復歷帳前親軍副都指揮使同僉樞密院浙江行省右丞平章政事洪武三年以征虜左副將軍平江南中原功封授開國輔運宣力武臣特進榮祿大夫右柱

國同知軍國事祿三千石進大都督府左都督十年
總理中書省大都督府御史臺重事十六年兼領國
子監事十七年薨子景隆嗣後以征虜大將軍拒靖
難師永樂元年降附加錄一千石四年下獄幽死國
除

弘治六年詔玄孫璿為南京錦衣衛指揮使卒子
濂襲卒子性襲見永樂以後列侯表

宋國公馮勝直隸鳳陽人物名國勝改名宗異復名
勝與其兄國用從起義歷元帥帳前親軍都指揮使
同魚樞密院都督同知洪武三年以銀青榮祿大夫

大都督府右都督太子左詹事征虜右副將軍平中
原功授封開國輔運推誠宣力武臣特進榮祿大夫
右柱國同叅軍國事祿三千石累為征虜大將軍破
北虜有功二十八年以有宿過不良卒國除

衛國公鄧愈直隸虹縣人從起義十六為管軍總管
歷元帥樞密判官湖廣行省叅政右丞平章政事洪
武三年以右御史大夫兼太子諭德為征戍將軍平

江淮功封授開國輔運推誠宣力武臣特進榮祿大

夫右柱國同叅軍國事祿三千石進大都督府右都
督累為征虜右副副軍征西將軍平西羗有功九年

薨于道子鎮嗣改封申國公薨無子弟銘指揮僉事
子源當嗣尋天永樂間子繼停襲挺子炳弘治六年
復爲南京錦衣衛指揮使卒子繼坤襲見侯表

右開國六王與約生封公死封王者也

袁國公歐普祥江西人庚子以僞漢丞相舉袁州降
附因故封授之吳元年薨子文廣爲江西行省叅政
係流爵不得襲

楚國公廖永安直隸巢縣人以舟師降附爲同知樞
密院破張士誠兵深入被執不屈 詔遙封之尋卒
無子弟永忠代任

信國公湯和直隸濠州人從起義爲管軍總管歷大
元帥同僉樞密院御史臺左御史大夫太子諭德偏
將軍洪武三年以定中原功封開國輔運推誠宣力
武臣特進榮祿大夫柱國中山侯食祿千五百石尋
爲征西將軍下四川遷大都督府左都督十一年進
封特進光祿大夫左柱國祿三千石二十八年薨長
子都督僉事昇先卒追贈信世子昇子晟蚤卒晟子
文瑜文瑜子傑病廢無子弟綸綸子紹宗弘治六年
詔復爲南京錦衣衛指揮使見侯表

賴國公傅友德直隸宿州人以陳友諒行省叅政降

附授指揮洪武三年以江淮行省叅政從平中原功
多封開國輔運推誠宣力武臣榮祿大夫柱國潁川
侯祿千五百石進大都督府都督同知四年爲征虜
前將軍平蜀十七年以征南將軍平雲南進封祿三
千石勲爲特進右柱國世襲累總兵征北虜有功二
十七年以嫌不良卒國除

涼國公藍玉直隸定遠人鄂國公常遇春弟從軍
有功歷指揮大都督府僉事洪武十二年破西番功
封開國輔運推誠宣力武臣柱國永昌侯祿二千石
流爵十七年以左副將軍平雲南加祿五百石世襲

二十一年以征虜大將軍破平可汗進封祿三千石
二十三年再以功加祿五百石二十六年坐不軌族
誅國除

中山侯湯和見國公表

延安侯唐勝宗直隸濠州毛城人從起義洪武三年
以同知大都督府事平江淮等處功多封開國輔運
推誠宣力武臣榮祿大夫柱國世襲職如故祿千五
百石七年增千石二十六年薨追論奸黨國除

吉安侯陸仲亨直隸濠州人從起義洪武三年以同
知大都督府事平江淮等處功多封階勲號襲如延

安祿千五百石七年增千石二十六年坐奸黨死國除

江夏侯周德興直隸濠州人從起義洪武三年以湖廣行中書省右丞平江淮等處功多封階勲號襲如延安職如故祿千五百石七年增千石十八年坐亂宮死國除

淮安侯華雲龍直隸濠州定遠人洪武三年以同知大都督府事燕王府左相北平等處行中書省叅知政事平中原功多封階勲號襲如延安職如故祿千五百石七年增千石鎮廣東召還奪祿薨國除

濟寧侯顧時直隸濠州人洪武三年以大都督府副使從平中原功多封階勲號襲如延安進同知大都督府事祿千五百石七年增千石十二年薨子敬嗣後追論時奸黨國除

長興侯耿炳文直隸濠州人元帥君用三子從起義洪武三年以秦王府左相兼陝西行省右丞從平中原功多封階勲號襲如延安職如故祿千五百石七年增千石永樂二年以舊嫌自殺國除

臨江侯陳德直隸濠州人從起義洪武三年以大都督府僉事從平中原功多封階勲號襲如延安進同

知大都督府事祿千五百石七年增千石十一年薨
子鏞嗣從征雲南戰死無子國除

鞏昌侯郭子興直隸濠州人從起義洪武三年以大
都督府僉事從平中原功多封階勲號襲如延安進
同知大都督府祿千五百石七年增千石十六年薨
二十二年子振襲薨無子國除

六安侯王志直隸臨濠人從起義洪武三年以平陽
衛指揮使從平中原功多封階勲號襲如延安進同
知大都督府僉事祿九百石七年增一千六百石十
九年薨子威嗣二十三年坐法失侯爲安南衛指揮

卒子域調清平衛

滎陽侯鄭遇春直隸濠州人從起義洪武三年以朔
州衛指揮副使從平中原功多封階勲號襲如延安
進同知大都督府事祿九百石七年增一千六百石
二十三年薨

平涼侯費聚直隸臨淮人從起義洪武三年以大都
督府僉事從平中原功多封階勲號襲如延安進同
知大都督府事祿千五百石七年增千石二十六年
薨子超先戰死孫寵襲指揮使坐法謫交趾國除
江陰侯吳良直隸定遠人從起義先爲江陰衛指揮

使洪武三年以大都督府僉事戰守功封階勲號襲
如延安進同知大都督府事祿千五百石七年增千
石十四年薨子高嗣永樂二年坐嫌失侯洪熙元年
謫戍海南

靖海侯吳禎良之弟從起義洪武三年以吳王府左
相兼大都督府僉事戰守功封階勲號襲如延安進
同知大都督府事祿千五百石七年增千石十二年
薨子忠嗣永樂初坐法失侯

南雄侯趙庸直隸廬州人巢湖歸附洪武三年以中
書右丞兼太子副詹事從平中原功多封階勲號襲

如延安職如故祿千五百石七年增千石二十六年
坐藍黨論死國除

德慶侯廖永忠直隸巢縣人楚國公永安弟巢湖歸
附洪武三年以中書省平章政事兼同知詹事院事
平楚浙閩廣功多封階勲號襲如延安職如故祿千
五百石四年以征西左副將軍平蜀功多七年增祿
千石八年坐奢僭僂死秘之子權嗣十七年薨黨事
發國除

南安侯俞通源直隸巢縣人贈虢國公通海弟巢湖
歸附洪武三年以江淮行中書省平章政事從平閩

楚等功多封階勲號襲同延安職如故祿千五百石
七年加千石十二年薨黨事發子祖從誅不得嗣
廣德侯華高直隸和州人巢湖歸附洪武三年以湖
廣行中書省平章政事從平江淮功封階勲號襲同
延安職如故祿六百石四年薨無子國除

營陽侯楊璟直隸合肥人巢湖歸附洪武三年以湖
廣等處行中書省平章政事從平中原功多封階勲
號襲同延安職如故祿千五百石七年增千石十五
年薨子通嗣二十年坐法失侯爲普定衛指揮使

蘄春侯康鐸湖廣蘄州人故大都督府同知蕪太子

左率府使贈推忠翊運宣力懷遠功臣光祿大夫柱
國蘄國公茂才之子以父戰功封階勲號襲如延安
祿千五百石七年增千石十五年南征薨于軍子淵
嗣坐法失侯

永嘉侯朱亮祖直隸六安人爲元將被獲赦不誅洪
武三年以浙江行省參知政事累戰功封階勲號襲
如延安祿千五百石七年增千石十三年自廣東召
還杖死子暹以府軍衛指揮使坐法同杖死國除
潁川侯傅友德見國公表

臨川侯胡美湖廣漢沔人初名廷瑞以避 高帝字

改僞漢陳友諒丞相舉南昌降附洪武三年以中書平章政事兼同知詹事院事累平南功封豫章侯階勲號襲如延安職如故祿千五百石七年加千石十三年復以犯帝字諱改封二十六年坐藍黨論死國除

東平侯韓政河南睢州人吳元年降附洪武三年以山東行中書省平章政事累戰功封階勲號襲如延安職如故祿千五百石七年加千石二十六年坐藍黨論死國除

宜春侯黃彬不詳其里八月辛丑洪武三年以江

西行中書省叅知政事累戰功封階勲號襲如延安祿九百石七年加千六百石十七年薨追論奸黨國除

宣寧侯曹良臣直隸安豐人壬寅率衆降附洪武三年以山西行中書省平章政事累戰功封階勲號襲如延安職如故祿九百石五年北征戰歿子秦嗣薨無子國除

汝南侯梅思祖河南歸德人洪武三年以浙江行中書省右丞累戰功封階勲號襲如延安祿九百石七年加一千六百石十五年薨子義不得嗣以指揮累

遷遼東

都指揮使

河南侯陸聚不知何許人仕元爲同知樞密院事舉徐邳二州降附洪武三年以山東行中書省累戰功封階勲號襲如延安祿九百石七年加一千六百石十三年薨無子國除

永城侯薛顯直隸沛縣人自盱眙歸附洪武三年爲江淮行省右丞累北征功封階勲號襲如延安祿千五百石以拉殺人謫海南削祿三分之一四年召還七年加千石二十年薨二十六年追論藍黨除

東勝侯汪興祖直隸巢縣人初爲張德勝義子冒其

姓後復洪武三年以大都督府同知從平中原功封祿千五百石有過不給券六年征蜀戰歿還其封無子國除

西平侯沐英直隸定遠人物以義子賜姓名朱文英後復洪武十年以大都督府同知討西番功封祿二千五百石是時除特進榮祿階勲柱國號襲同洪武三年功臣例鎮守雲南二十五年薨子春嗣三十一年薨弟晟嗣見國公表

安慶侯仇成直隸含山人洪武十二年以大都督府僉事從破西番積舊功封勲號同西平祿二千石流

爵子孫爲指揮使十七年從平雲南加祿五百石世襲二十三年薨子泰嗣後絕

永昌侯藍玉見國公表

永平侯謝成直隸濠州人洪武十二年以大都督府僉事從平西番功封勳號同安慶侯祿二千石二十七年坐法下獄死

鳳翔侯張龍直隸濠州人洪武十二年以大都督府僉事從平西番功封勳號同安慶侯祿二千石十七年從平雲南加祿五百石世襲三十年薨

安陸侯吳復直隸合肥人洪武十二年以大都督府

僉事從平西番封勳號同祿二千石流爵十六年從平雲南加祿五百石世襲薨子傑嗣三十一年坐法失侯爲南寧衛指揮

景川侯曹震不知何許人洪武十二年以大都督府僉事從平西番功封勳號同安慶侯祿二千石二十六年坐藍黨論死國除

宣德侯金朝興直隸巢縣人洪武十二年以大都督府僉事從平西番功封勳號同十五年從平雲南加祿五百石予世襲薨子鎮不得侯爲平壤衛指揮懷遠侯曹興不知何許人洪武十二年以大都督府

僉事從平西番功封勲號同二十六年坐藍黨論死
國除

靖寧侯葉昇直隸合肥人洪武十二年以大都督府
僉事從平西番功封勲號同祿二千石流爵後以數
平峒寇受上賞二十四年追論胡黨論死除

會寧侯張溫不知何許人初以指揮守蘭州有聲洪
武十二年以大都督府僉事從平西番功封勲號同
祿二千石流爵二十六年坐藍黨論死國除

雄武侯周武不知何許人洪武十二年以大都督府
僉事從平西番功封勲號同祿二千石流爵二十三

年薨子興襲龍江右衛指揮同知

定遠侯王弼直隸定遠人洪武十二年以大都督僉
事從平西番功封勲號同祿二千石流爵十七年從
平雲南加祿五百石予世襲二十一年破北虜功多受
上賞二十七年坐藍黨不食死國除

崇山侯李新直隸濠州人從起義洪武九年為大都
督府僉事以營 孝陵功封勲號如定遠祿一千五
百石流爵

武定侯郭英直隸濠州人鞏昌侯子與弟洪武十七
年以前軍大都督府僉事從平雲南功封 勲

階級世襲如洪武三年例祿二千五百石從破北虜
功多受上賞永樂元年薨子鎮尚公主薨停襲子珙
次子銘銘子珙以女弟爲 皇貴妃得復爵正統十
二年薨天順三年珙之嫡孫昌得嗣爵五年薨子良
復以珙子爭弘治十七年始得嗣正德二年良薨子
勛嗣歷掌營府位師傅進公爵下獄死子大誠嗣
普定侯陳桓直隸濠州人洪武十七年以後軍都督
府僉事從平雲南功封勛號襲如武定祿二千五百
石後平峒寇受上賞二十六年坐藍黨論死國除
東川侯胡海初名海洋直隸定遠人洪武十七年以

右軍都督府僉事從平雲南功封勳號襲如武定祿
二千五百石二十三年薨子斌先以戰功至都督同
知位海上從征雲南戰歿贈左都督無子國除
鶴慶侯張翼直隸臨淮人洪武十七年以前軍都督
府僉事從平雲南功封勳號襲如武定祿二千五百
石二十六年坐藍黨論死國除

航海侯張赫直隸濠州人洪武二十年以右軍都督
府僉事歲督海運功封勳號襲如武定祿二千石二
十三年薨二十六年追論藍黨國除

舳艫侯朱壽不知何許人洪武二十年以後軍都督

府僉事歲督海運功勳號襲如武定祿二千石二十六年坐藍黨論死國除

海西侯納哈出故元丞相據金山洪武二十年以其衆四萬余降附封授推誠輔運欽承効力武臣柱國子孫世襲祿二千石二十三年從征峒蠻卒于武昌舟中子察罕改封瀋陽侯祿如故二十六年坐藍黨論死國除

全寧侯孫恪直隸鳳陽人以父大都督府副使贈燕山侯死北虜之戰予武德衛指揮使累官後軍都督僉事二十一年爲右叅將破虜封勳號如武定祿二

千石世襲後不知所終

永寧侯張銓洪武二十三年以右軍都督府僉事追論雲南功封勳號如武定祿二千石世襲

係定遠人

西涼侯濮璉直隸廬州人以父左軍都督府僉事追封金山侯再封樂浪公英陷北虜不屈死二十一年封欽承父業推誠宣力武臣柱國西涼侯祿二千五百石世襲二十六年坐藍黨論死減戍國除

越雋侯俞淵南安侯通源之弟初名通淵洪武二十五年以右軍都督府僉事錄舊功封欽承父業推誠宣力武臣柱國祿二千石世襲二十七年奪爵

歷城侯盛庸不知何許人建文中以都督同知克平
燕將軍拒破靖難師於濟南封世襲勲號祿米無考
永樂元年以舊將嫌下獄死國除

建文封附

三十七卷終

介山堂別集卷三十八

吳郡王世貞元善著

永樂以後功臣公侯伯年表

文皇帝以建文之四年七月下京師即大位因其年
爲洪武之三十五年又二月制詔吏兵部差次從靖
難功臣遂封淇公等二公城陽等十三侯興安等十
一伯已又錄降附功增曹公歲祿封永春一侯忠誠
等三伯明年封駙馬都尉袁容等二侯遂追舊功封
豐城一侯寧陽等五伯三年復追舊功進封新城侯
至是靖難封始究六年論平安南功進封新城西平

二侯皆爲公增豐城侯雲陽伯祿各五百石已進封
清遠一侯安遠建平二伯終 文皇帝之世凡再大
封至 睿皇帝之元年論奪門迎駕功進封武清侯
爲忠國公封太平一侯興濟文安等四伯已又封武
功一伯自是終 諸帝世僅一大封而其它破軍殺
將戡亂僞工之特封者不與焉嗚呼靖難諸將臣從
藩邸起以一旅之師彈丸之地出萬死者三載而遂
定宗社於泰山之固此其績誠巨然 英主實在軍
攻堅履危斷自神授又大戰不過十余所定軍府不
過三四而已毋論中山開平其視曹衛宋穎而下抑

何徑庭也定興之掃安南固自偉亦何能超穎川之
下滇蜀且久復失之今 高帝之盟白馬指黃河而
誓其功臣鮮有存者易世而後所當僅如綫之虜與
崔符之盜鹵級數十以至百積封自伯而至侯遂有
公者今胡以貂綿蟬聯也以此况彼誠不可同年而
語自 孝宗而後執政者始知愛守名爵不輕畀而
不能無畏于首尾未暇一一釐正之然至新建之取
叛王不煩 天子璽書不費太倉水衡金錢縛之於
股掌寧遠之摧東虜積級至萬余其所遺敵固皆瑕
然其績豈與它徹侯等而措紳大夫猶斷斷有後言

者何也少所見多所恠恒也又陋而不習掌故余故表之以告夫司勳者

洪國公丘福直隸鳳陽人從靖難師爲中軍都督僉事洪武三十五年論功封奉天靖難推誠宣力武臣特進榮祿大夫右柱國世爵歲祿二千五百石仍進本府左都督永樂二年加太子太師五年加祿一千石八年以征虜大將軍帥師北征敗歿妻子謫徙廣東國除

成國公朱能直隸懷遠人嗣父職千戶從靖難師爲左軍都督僉事洪武三十五年論功封仍進本府左

都督勳階號同洪公歲祿二千五百石世爵永樂元年加太子太傅四年以征夷將軍討安南加祿一千石薨于師子勇嗣定祿三千石累加太保揔京營兵正統十四年扈駕北征遇也先敗歿子儀嗣止食祿一千石後加一千石累加太子太傅守備南京弘治九年薨子輔嗣累加職任如父嘉靖二年薨子麟嗣八年薨無子弟鳳嗣十八年薨子希忠嗣累任京營大帥入直禁庭代郊祀者幾四十年加太師萬曆元年薨子時泰嗣三年薨子應禎嗣自殺子鼎臣嗣英國公張輔河南祥符人父玉故元樞密院知院歸

附後為燕山護衛指揮僉事從靖難師遷都指揮同知陣亡贈榮國公輔積功至都指揮同知洪武三十年封信安伯為奉天靖難推誠宣力武臣特進榮祿大夫柱國歲祿一千石三年以父子功多進封新城侯增祿五百石六年以征夷將軍平安南進封勛右柱國歲祿三千石世爵後加太師解營府務叅預軍國大政知經筵監脩實錄號加輔運佐理階為光祿大夫勲為左柱國正統十四年從駕北征陣亡幼子懋嗣累掌營府知經筵加太師監脩實錄正德十年薨孫崙嗣嘉靖十九年薨子溶嗣知經筵監脩實

錄加至少傅萬曆十年薨子元功嗣

黔國公沐晟直隸定遠人父西平侯英兄春俱見侯表洪武三十一年嗣侯以征南將軍鎮守雲南永樂五年兼征夷左副將軍討安南功封階勲如英公賜號奉天翊運推誠宣力武臣祿三千石世襲加太傅正統五年薨子斌嗣景泰元年薨子琮嗣弘治九年薨從孫崐係晟弟定邊伯昂後入嗣正德十四年薨子紹勛嗣嘉靖十五年薨子朝輔嗣二十六年薨自斌至朝輔俱以征南將軍鎮雲南生加宮傳歿贈太師太傅朝輔二子融鞏嗣封相繼天弟朝弼以鎮守

都督同知嗣隆慶五年坐法逮繫削爵禁錮子昌嗣

忠國公石亨陝西渭南人正統十四年爲都督同知

大同副總兵禦虜敗歸京師下獄赦出充總兵官封

奉天翊運推誠宣力武臣榮祿大夫柱國武清伯祿

千石世爵禦虜西直門郤之進封武清侯加祿三百

石天順元年以奪門迎駕進封特進光祿大夫右柱

國祿二千五百石再加五百石世爵爲京營總兵叅

預朝政四年坐亂法怨望下獄拷死國除

保國公朱永河南夏邑人父謙見伯志永襲爵歲祿

千二百石總京營兵成化二年平荆襄流賊進封侯

十五年平建州夷功進封加祿三百石十八年禦西

虜功予世襲賜號奉天翊運推誠宣力武臣階勲特

進光祿大夫柱國二十三年再加祿五百石累進太

師掌後府弘治九年薨子暉嗣以征虜大將軍禦虜

加太保正德六年薨子麟嗣侯見侯表

成陽侯張武湖廣瀏陽人從起靖難爲中軍都督僉

事洪武三十五年論功進中軍都督府同知封奉天

靖難推誠宣力武臣特進榮祿大夫柱國世爵歲祿

一千五百石永樂元年薨無子國除

秦寧侯陳珪直隸秦州人從起靖難爲後軍都督府

僉事洪武三十五年論功進本府都督同知號階勲襲如成陽歲祿一千二百石十七年薨子愉嗣二十年坐法下獄死庶兄子鍾嗣宣德五年薨子灝嗣七年薨無子弟瀛嗣正統十四年扈駕北征陣亡無子弟涇嗣成化八年薨子恒嗣弘治七年薨子璇嗣正德七年薨子儒嗣嘉靖十二年薨子璉嗣薨無子弟璠嗣薨子良弼嗣

武安侯鄭亨直隸合肥人從起靖難爲中軍都督府僉事洪武三十五年論功封仍進本府左都督號階勲襲如成陽歲祿一千五百石累爲大將鎮大同宣

德九年薨子能嗣正統十年薨子宏嗣成化十二年薨子綱嗣嘉靖二十八年薨子琨嗣萬曆七年薨子惟忠嗣

保定侯孟善山東海豐人從起靖難爲右軍都督僉事洪武三十五年論功封仍進本府都督同知勲階號襲如成陽歲祿一千二百石永樂十年薨子英嗣永樂二十一年坐從弟指揮賢謀逆削爵安置雲南宣德十年赦還與京衛指揮使正統元年卒子俊襲天順元年復封伯四年薨子昂嗣成化八年薨子達仍爲指揮使

同安侯火真本名火里火真韃靼人從起靖難為胡
騎指揮遷中軍都督府僉事洪武三十五年論功仍
故官封勳階號襲如成陽歲祿一千五百石永樂七
年以右副將軍從北征陣亡坐失計國除

鎮遠侯顧成直隸江都人洪武中為都督僉事鎮貴
州建文初北征被獲降附以佐世子守城遷後軍都
督府右都督洪武三十五年論功仍故官勳階號襲
如成陽歲祿千五百石仍守貴州數以功及言事受
賞永樂十六年薨子統先授普定衛指揮使為建文
君所誅孫興祖嗣正統十四年從北征失律削爵為

都督同知景泰三年封伯爵歲祿止千石天順元年
復為侯祿千三百石七年薨孫淳嗣成化九年薨無
子弟溥嗣弘治六年薨子仕隆嗣嘉靖七年薨子寰
嗣萬曆九年薨無子從子承光嗣溥仕隆寰俱歷任
將帥加保傅有廉能聲

靖安侯王忠湖廣孝感人從起靖難為右軍都督僉
事洪武三十五年論功進都督同知勳階封襲如成
陽歲祿一千石永樂七年以左叅將從北征陣亡坐
失策國除

武城侯王聰湖廣蘄水人從起靖難為都指揮使洪

武三十五年論功進中軍都督僉事勛階號襲如成陽歲祿一千五百石永樂七年以左副將軍從北征陣亡子琰嗣伯爵某年薨無子國除

永康侯徐忠直隸合肥人從起靖難為前軍都督僉事洪武三十五年論功進本府左都督勛階號襲如成陽歲祿一千一百石永樂十六年薨子安嗣成化十七年薨孫錡嗣弘治十五年薨庶子溥嗣嘉靖三十三年薨子喬松嗣薨子文偉嗣

隆平侯張信直隸臨淮人從起靖難為都督僉事洪武三十五年論功封勛階號如成陽歲祿一千石子

孫世襲伯爵永樂二十二年加少師予世襲侯正統七年薨孫淳嗣十年薨子福嗣天順元年薨弟祐嗣弘治十七年薨從弟祿嗣正德四年薨子瑋嗣嘉靖二十三年削爵三十七年故從子相嗣萬曆三年薨子炳嗣

安平侯李遠直隸懷遠人從起靖難為中軍都督僉事洪武三十五年論功進本府都督同知勳階號如成陽歲祿一千石子孫世襲伯爵永樂七年以右叅將從北征陣亡子安嗣伯坐法謫戍國除

成安侯郭亮直隸合肥人從起靖難為左軍都督僉

事洪武三十五年論功進本府都督同知勲階號如
成陽子孫世襲伯爵永樂二十一年薨子晟特予侯
天順二年薨無子弟昂嗣仍伯成化五年薨子鏞嗣
弘治五年薨子寧嗣嘉靖元年薨從子璿嗣二十七
年薨子寶嗣

思恩侯房寬河南陳州人從起靖難爲都督僉事洪
武三十五年論功兼義故封勲階號如成陽歲祿百
石子孫世襲指揮使永樂七年薨襲如例

豐城侯李彬直隸定遠人從起靖難爲右軍都督僉
事永樂元年追論功封勲階號襲如成陽歲祿一千

石以左叅將從平安南功加祿五百石鎮交趾二十
年薨子賢嗣景泰二年薨子勇嗣成化十八年薨子
璽嗣賢勇俱任營府璽以正德二年薨無子庶兄旻
嗣嘉靖十年薨無子從子熙嗣旻熙俱任營府三十
一年熙薨無子從子懦嗣隆慶四年薨無子從子環
嗣

新城侯張輔詳見公表

西寧侯宋晟直隸定遠人永樂元年以中軍左都督
克平羗將軍鎮甘肅三年論招虜功封奉天翊運推
誠宣力武臣特進榮祿大夫柱國歲祿一千一百石

流爵六年薨子琥以尚主特予世襲代鎮洪熙元年
坐嫌奪爵弟瑛復以尚主襲正統十四年扈駕北征
陣亡子傑嗣六年薨子城嗣天順元年薨子幼弟讓
嗣成化八年薨城子愷嗣正德十六年薨子良臣嗣
嘉靖三十年薨子天馴嗣萬曆五年出使還爲盜所
殺子世恩嗣

清遠侯王友湖廣荊州人從起靖難爲都指揮同知
永樂元年追論功進封奉天翊衛推誠宣力武臣特
進榮祿大夫柱國清遠伯世襲歲祿一千石六年從
平安南進封加號爲奉天靖難推誠宣力武臣世襲

八年從北征督輜重違節度下獄奪侯正統元年錄
其孫爲都指揮

寧遠侯何福不知何許人永樂七年以 太祖舊將
爲右軍左都督鎮甘肅以撫降虜功封推誠輔運宣
忠効力武臣歲祿一千二百石流爵八年以嫌疑被
劾自殺國除

成山侯王通陝西咸寧人永樂元年以父百戶追贈
金鄉侯真戰功封奉天翊運宣力武臣特進榮祿大
夫柱國武義伯歲祿千石七年以山陵功進封祿二
千二百石世襲宣德元年以征夷將軍總兵鎮交趾

棄城下獄奪侯後赦出復爲都督同知守昌平景泰三年薨餘見伯志

寧陽侯陳懋直隸壽州人都督僉事亨子永樂元年爲右都督追論父死事封奉天翊衛宣力武臣寧陽伯祿一千石七年以征西將軍鎮寧夏進封奉天靖難推誠宣力武臣加祿三百石洪熙元年予世襲加太保正統元年奪太保減祿米之半五年復太保歲祿天順元年加祿二百石天順七年薨子潤嗣成化二年薨子輔幼弟瑛嗣二十二年輔以嫡嗣爲瑛勛南弘治元年輔坐法失侯正德元年以瑛孫繼祖嗣

嘉靖三十五年薨子維藩嗣隆慶二年薨子大紀嗣六年薨子應詔嗣

安遠侯柳升直隸懷遠人永樂六年爲中軍都督僉事征安南功封奉天翊衛推誠宣力武臣特進榮祿大夫柱國安遠伯世襲八年復以下安南獲簡定功進流侯祿一千五百石二十二年以從駕北征功予加太子太傅世襲宣德二年以征虜將軍討黎利敗歿安南子溥嗣累佩將印加太傅天順五年薨子承慶有足疾孫景嗣弘治十五年薨子文嗣嘉靖十一年薨子珣嗣累佩將印加保傅二十二年薨子震

嗣

陽武侯薛祿山東膠州人永樂初靖難功至右都督十八年以督造宮殿功封祿一千一百石爲奉天靖難推誠宣力武臣階勲同成陽二十二年以北征功世襲加祿五百石宣德三年加太保挂大將軍印五年薨子勲蚤死孫誥嗣正統四年薨子琮嗣嘉靖八年薨子翰嗣二十三年薨無子族孫鏗嗣

安陽侯郭義泰安州人永樂十八年爲右都督以督造宮殿功封祿一千一百石勲階號如陽武流爵明年薨子孫世襲指揮

已上 太宗朝封

恭順侯吳克忠達達人父允誠來歸累功至左都督永樂十年以捕叛者功封伯薨克忠嗣洪熙元年同陽武侯北征擒虜功進封祿一千二百石勲階號如陽武世襲薨子瑾嗣天順五年死曹欽之難子鑑嗣正德元年薨子世興嗣嘉靖廿六年薨子繼爵嗣安順侯薛貴達達人降附永樂二十二年以都督兼從北征有功封流伯洪熙元年與世襲宣德元年勲階號如陽武流爵祿一千二百石五年薨無子以弟可可帖木兒爲指揮天順元年帖木兒子忠嗣伯爵

六年薨子瑤嗣弘治三年薨子昂仍為指揮

定西侯蔣貴直隸江都人正統三年以右都督征西
番朶兒只伯功封伯七年以平麓川功進封祿一千
五百石勛階號如陽武世襲十四年薨孫琬嗣累掌
營府加保傅成化二十三年薨子驥嗣正德四年薨
子壑嗣嘉靖三年薨子傳嗣掌營府三十四年薨弟
祐嗣萬曆六年薨子建元嗣

興安侯徐亨湖廣大冶人襲祖祥伯爵正統九年從
成國公北征以功進封流侯順天四年薨餘詳伯志
清平侯吳成遼陽人洪熙元年以都督僉事北征功

封伯祿一千一百石宣德四年再以功進封階勳
如定西八年薨詳見伯志

武清侯石亨詳見公志

昌平侯楊洪直隸六合人正統十四年為宣府總兵
左都督以勤王功封昌平伯是年復以破居庸關北
虜功進封奉天翊運推誠宣力武臣光祿大夫柱國
歲祿千一百石世襲景泰二年以鎮朔大將軍薨子
傑嗣四年薨無子庶兄俊嗣七年坐法罷子珍順天
元年坐父俊以嫌誅死失侯謫戍後復指揮同知
保定侯梁瑤河南汝陽人宣德十年嗣父銘伯爵景

泰三年以平貴州寇功進流侯祿千五百石天順元年恩例與世襲勛階號如昌平成化三年薨子傳嗣十六年薨弟任嗣正德七年薨子永福嗣嘉靖十四年薨子繼璠嗣

太平侯張軌河南祥符人天順元年爲右都督以奪門迎駕功封奉天翊衛推誠宣力武臣特進光祿大夫柱國歲祿二千石世襲二年薨子瑾嗣天順四年降指揮使

南和侯方瑛全椒人都督政之子景泰五年以左都督征貴州功封伯天順元年復以平蠻功進封勳階

號如太平流爵歲祿千二百石三年薨詳見伯志

武平侯陳友直隸全椒人天順元年爲右都督以征苗功封伯世襲二年以寧夏出塞功進封流侯勳階號如昌平歲祿一千一百石四年薨餘見伯志

定遠侯石彪陝西渭安人忠國公石亨姪天順元年爲遊擊將軍破北虜功封伯二年再以破北虜功進封祿一千二百石勳階號如昌平世襲伯爵三年坐使人奏留鎮大同誅國除

平江侯陳豫直隸合肥人正統二年襲父佐伯爵十四年平廣寇功封流侯加祿一百石未易階號天順

七年薨餘見伯志

懷寧侯孫鏜山西大同人天順元年爲左都督總京營以迎駕功封奉天翊衛推誠宣力武臣特進榮祿大夫柱國懷寧伯以有邊功不奪五年以捕反者曹欽功進封祿一千三百石世襲成化七年薨子輔嗣十六年薨子泰嗣弘治十四年薨子應爵嗣正德十二年薨子瑁嗣嘉靖十八年薨弟瑁嗣二十二年薨子秉元嗣三十七年薨子世忠嗣

撫寧侯朱永見公志孫麟復爲侯薨庶兄麒嗣嘉靖六年薨子岳嗣隆慶元年薨從弟岡嗣

武靖侯趙輔直隸鳳陽人爲征夷將軍都督同知以平兩廣蠻功封伯爵祿一千二百石四年以征虜將軍平遼夷功進封沅侯無給券二十二年薨詳見伯志

襄城侯李瑾直隸和州人襲祖濬爵成化四年以征蠻功進封沅侯無給券弘治二年薨詳見伯志

咸寧侯仇鉞直隸江都人正德五年爲都指揮僉事遊擊將軍以平安化庶人功封伯七年以平河南寇功進封奉天翊衛推誠宣力武臣特進榮祿大夫柱國祿一千二百石世襲十六年薨子恩篤疾孫鸞嗣

嘉靖三十二年爲大將怙恩通虜死後磔屍其子棄市國除

懷遠侯常玄振故鄂國公贈開平忠武王遇春八世孫嘉靖十一年由南京錦衣衛指揮使繼絕世封號仍開國輔運推誠宣力武臣階特進榮祿大夫勲柱國祿一千石世襲二十七年薨子文濟嗣萬曆十年薨子胤緒嗣

臨淮侯李性故曹國公贈岐陽武靖王文忠七世孫嘉靖十一年由南京錦衣衛指揮使繼絕世封號仍開國輔運推誠宣力武臣階特進榮祿大夫勲柱國

祿一千石世襲本年卒無子叔父沂嗣十五年卒子庭竹嗣歷任營府萬曆一年卒子言恭嗣

定遠侯鄧繼坤故衛國公贈寧河武順王六世孫嘉靖十一年由南京錦衣衛指揮使繼絕世封號仍開國輔運推誠宣力武臣階特進榮祿大夫勲柱國祿一千石世襲二十年薨子祖錫嗣四十年薨子世棟嗣萬曆十六年薨

靈壁侯湯紹宗故信國公贈東甌襄武王和六世孫嘉靖十一年由南京錦衣衛指揮使繼絕世封號仍開國輔運推誠宣力武臣階特進榮祿大夫勲柱國

十四年薨子佑賢嗣三十一年薨子世隆嗣久領漕
事加少保萬曆十四年薨子之誥嗣

已上侯 太宗以後封皆功臣

忠勤伯汪廣洋直隸高郵州人洪武三年爲中書右
丞以帷幄功封開國輔運推誠守正文臣資善大夫
護軍祿五百四十石流爵再爲御史左右大夫中書
右丞相十三年坐巽懦誤政賜死國除

誠意伯劉基浙江青田人洪武三年以前御史中丞
弘文館學士太史令贊謀帷幄功封開國輔運推誠
守正文臣資善大夫護軍祿二百四十石流爵八年

薨子璉拜江西行省叅政蚤卒孫薦特賜襲祿五百
石二十五年薨子法不得襲法子拒拒子曇曇子祿
成化中授翰林院五經博士祿子憲先卒憲子瑜弘
治八年授處州衛指揮使嘉靖十八年紹封伯階勲
號如基特加祿爲七百石二十年薨孫世延嗣萬曆
九年奪爵爲民復爵

東莞伯何真廣東東莞人國初爲元右丞以廣東降
附累官浙江左布政使致仕洪武十八年追論舊功
封祿一千五百石世襲勲號無考二十一年薨子榮
嗣坐藍黨論死國除

徽光伯桑先不知何許人洪武十七年追論父未義
侯世傑功封祿一千七百石世襲勛號無考二十六
年坐藍黨論死國

已上 太祖時封

興安伯徐祥湖廣大冶人洪武三十五年爲都指揮
使以靖難功封奉天翊衛宣力武臣特進榮祿大夫
柱國世襲歲祿一千石永樂二年薨孫亨嗣見侯志
子賢嗣成化五年薨子順嗣弘治十七年薨從子良
嗣嘉靖七年薨子夢賜嗣

武康伯徐理河南西平人洪武三十四年爲都督僉

事以靖難功封勛階號襲如興安歲祿一千石永樂
六年薨子禎嗣正統九年薨子勇嗣景泰四年薨無
子國除

襄城伯李濬直隸和州人洪武三十五年爲都指揮
同知以靖難功封階勳號襲如興安歲祿一千石永
樂三年薨子隆嗣累督守備營府正統七年薨子玠
嗣十四年北征歿弟瑾嗣見侯志弘治二年薨子黼
嗣伯正德四年薨子全禮嗣嘉靖十八年薨子應臣
嗣

信安伯張輔見公表

新昌伯唐雲不知何許人洪武三十五年爲都督僉
事以靖難功封階勲號如興安流爵子孫世襲指揮
使永樂元年薨子襲指揮如例

新寧伯譚忠直隸清河人洪武三十五年以父都指
揮同知淵死難功封階勲號襲如興安歲祿一千石
宣德八年薨子璟嗣正統十四年薨子裕嗣景泰三
年薨子祐嗣累總營府加太保太傅嘉靖四年薨子
綸嗣薨子國佐嗣

應城伯孫巖直隸鳳陽人洪武卅五年爲都督僉事
以靖難功封階勲號襲如興安歲祿一千石永樂十

四年安置交趾召還十五年薨子亨嗣二十一年薨

子瑛嗣尋薨弟傑嗣景泰二年薨子繼先嗣弘治十

六年薨子鉞嗣嘉靖八年薨子爵嗣薨子文棟嗣

忻城伯趙葵直隸虹縣人洪武卅五年爲都指揮使

以靖難功封勲階號襲如興安歲祿一千石世襲宣

德元年薨子榮嗣成化三年薨子泰嗣弘治十三年

薨從子脩嗣正德十三年薨子武嗣薨子祖征嗣

雲陽伯陳旭直隸全椒人洪武三十五年爲都督僉

事以靖難功封階勲號襲如興安歲祿一千石世襲

永樂八年薨無子國除

富昌伯房勝不知何許人洪武三十五年爲都指揮
僉事以靖難功封階勛號如興安歲祿一千石流爵
子孫世爵指揮使永樂

年薨

廣恩伯劉才直隸霍丘人洪武三十五年爲都督僉
事以靖難功封階勳號如興安歲祿九百石流爵子
孫世襲指揮同知永樂八年北征失律下獄國除
忠誠伯茹瑞湖廣衡山人洪武三十五年爲太子少
保兵部尚書以降附封奉天翊運守正文臣特進榮
祿大夫柱國歲祿一千石流爵子孫世襲指揮使永
樂七年以不朝谷王下獄庾死子謫戍洪熙元年赦

歸里國除

順昌伯王佐不知何許人洪武三十五年爲中軍都
督同知以降附封奉天翊運宣力武臣特進榮祿大
夫柱國歲祿一千石流爵子孫世襲指揮使三年鎮
雲南有罪下獄死國除

平江伯陳瑄直隸合肥人洪武三十五年爲都指揮
以降附功封祿一千石流爵永樂十二年以北征功
與世襲治漕河督餉有聲宣德八年薨子佐嗣正統
元年薨子豫嗣見侯志薨子銳嗣累掌營府加保傅
增祿三百石弘治十五年薨子熊嗣正德六年薨無

子從子至嗣累掌營府加保傅嘉靖三十三年薨子
王謨嗣

武義伯王通詳見侯表祿千二百石後革天順元年
子琮改襲成山伯

成山伯王琮襲封祿千石成化九年薨子鏞嗣嘉靖
四年薨子洪嗣

年薨子維嗣薨應龍嗣

遂安伯陳志四川巴縣人永樂元年為都指揮同知
追論靖難功封奉天翊衛宣力武臣特進榮祿大夫
柱國歲祿一千石世襲八年薨孫瑛嗣宣德七年薨
子埴嗣正統十四年北役歿無子弟詔嗣弘治十七年

薨孫鏹嗣累掌營府加保傅萬曆元年薨孫樹嗣

安鄉伯張興直隸壽州人永樂元年為都指揮同知

追論靖難功封勛階號襲如遂安歲祿一千石五年

薨從勇嗣十年薨子安嗣正統十四年薨子恂嗣正

德二年薨孫坤嗣薨子鏗嗣

寧陽伯陳懋永樂元年為右都督以父亨恩及戰功
封詳見侯表

清遠伯王友永樂元年為都指揮同知追論靖難功
封祿千石詳見侯表

榮昌伯陳賢直隸壽州人永樂元年為都督僉事追

論靖難功封勛階號襲如遂安歲祿一千石十三年
薨子智嗣坐棄交趾失爵為指揮使

永新伯許成不知何許人永樂三年為都督同知以
發謀殺駙馬梅殷者功封奉天翊衛宣力武臣特進
榮祿大夫柱國歲祿一千三百石流爵子孫世襲指
揮使永樂十五年薨

建平伯高福陝西咸陽人父士文為都督同知以征
交趾戰歿永樂六年追封福嗣爵為奉天翊運宣力
武臣特進榮祿大夫柱國歲祿千三百石二十二年
薨子遠嗣宣德五年薨弟進嗣薨無子從子霽嗣薨

無子國除

安遠伯柳升永樂六年以都指揮征安南功封詳見
侯志

廣寧伯劉榮初仍故父名江直隸宿遷人永樂十七
年為左都督鎮遼東以破倭功封奉天翊衛宣力武
臣特進榮祿大夫柱國歲祿一千二百石世襲十八
年薨子湍嗣宣德九年薨無子弟安嗣見侯志成化
七年薨兄子瓘嗣十五年薨安子璇仍嗣伯弘治二
年薨子佶嗣嘉靖元年薨從子泰嗣二十六年薨子
允中嗣萬曆元年薨子嗣德嗣

恭順伯吳允誠韃靼人降附為左都督永樂十年以
獲叛者功封祿一千二百石世襲十六年薨子克忠
嗣見侯志

永順伯薛斌直隸順天昌平人永樂十八年為都督
同知以督營造功封奉天翊衛宣力武臣特進榮祿
大夫柱國祿九百石子孫世襲指揮使十九年薨特
予世襲子壽重嗣正統十四年北征陣亡子輔嗣成化
十二年薨子勲嗣正德六年薨子重嗣為指揮使

惠安伯金玉直隸人從靖難永樂十八年為中
軍都督僉事以督營造功封勲階號襲如永順祿八

百石十九年薨

武進伯朱榮山東沂州沂水人永樂二十年為都督
僉事以北征功封奉天翊衛宣力武臣特進榮祿大
夫柱國歲祿一千二百石世襲洪熙元年薨子冕嗣
正統十四年陣亡子瑛嗣天順四年薨子雲嗣成化
九年薨無子弟霖嗣弘治二年薨子潔嗣王德三年
薨子本嗣十二年薨無子叔江嗣嘉靖九年薨無子
弟海嗣二十七年薨子承勲嗣萬曆年薨子世雍

嗣

安順伯薛貴韃靼人永樂二十年為都督僉事封祿

九百石見侯志天順元年詔以從子忠嗣六年薨子
瑤嗣弘治三年薨子昂爲指揮使世襲

已上 太宗封

保定伯梁銘河南汝陽人永樂二十二年爲都督同
知以宿將及東宮舊恩封祿一千二百石世襲宣德
八年薨子瑤嗣見侯志

忠勤伯李賢直隸薊州人初侍藩邸爲左都督洪熙
元年封祿一千石流爵是年薨子順嗣指揮僉事

已上 仁宗封

廣義伯吳管者鞞鞞人洪熙元年爲都督僉事以北

征功封薨子玘嗣景泰七年薨從弟琮嗣成化四年
坐激滿四變謫戍

清平伯吳成本名買驢達達人洪熙元年爲都督僉
事以北征功封祿一千一百石世襲見侯志薨孫瑛
嗣伯爵景泰元年薨子璽嗣成化十四年薨無子從
弟琮嗣弘治十四年薨子傑嗣嘉靖十年薨子家彥
嗣萬曆四年薨子國乾嗣

崇信伯費瓛定遠人宣德元年爲左都督鎮甘肅以
宿將及却虜功封祿一千石三年薨子釗嗣天順四
年薨子淮嗣弘治十一年嗣子柱嗣嘉靖九年弟棡

嗣十七年薨子煒嗣三十三年薨子坤嗣四十二年
薨子甲金嗣

會寧伯李英陝西西寧人父興哥俱虜帥宣德四年
爲都督同知以平番寇功封祿一千一百石世襲六
年坐法失伯天順元年詔以伯英後爲都指揮使

新建伯李玉直隸交河人宣德元年爲都督同知以
從平漢庶人功封祿八百石流爵正統六年薨子英
爲指揮使

奉化伯滕定山後人宣德四年爲都督同知以戰功
封祿八百石流爵正統五年薨子福爲指揮使

順義伯金順瓦剌人本名阿魯哥失里降附宣德四
年爲右都督以戰功封祿八百石流爵八年薨子忠
爲指揮僉事

已上 宣宗封

會川伯趙安陝西臨洮人正統元年爲右都督以甘
肅功封祿一千石流爵九年薨子英爲指揮使

定西伯蔣貴正統三年爲右都督以破西虜朵兒只
伯功封祿一千二百石詳見侯志

寧遠伯任禮河南彰德人正統三年爲左都督以征
西虜朵兒只伯功封祿一千二百石流爵十二年加

恩世襲成化元年薨子璿嗣為寧夏總兵討蒲四失
利謫戍子弘為指揮使

脩武伯沈清滁州人正統元年為左都督以營宮殿
功封祿一千一百石世襲七年薨子榮嗣十四年從
駕北征陣歿子煜嗣減祿三百石成化十八年薨子
祺嗣二十二年薨弟坊嗣弘治六年薨子瑞為指揮
使

永寧伯譚廣直隸丹徒人正統六年為左都督鎮宣
府以宿將積戰功封一千一百石九年薨子亨為指
揮使

已上皆奉天翊衛宣方武臣

靖遠伯王驥直隸東鹿人正統七年為兵部尚書以
平麓川功封初為推誠宣力武臣歲祿一千二百石
景泰元年再以平苗夷功增祿四百石世襲順天元年
援徐有貞例授奉天翊運推誠宣力守正文臣四年
薨子瑞嗣成功七年薨子添嗣十五年薨子憲嗣正
德九年薨子瑾嗣薨子學詩嗣薨無子弟學禮嗣
平鄉伯陳懷直隸合肥人正統九年以左都督征北
虜功封祿一千一百石十四年從駕北征陣歿特予
子輔嗣景泰五年薨子政嗣成化二十二年薨子信
嗣弘治六年薨無子弟俊為指揮使

忠勇伯蔣信故把台忠勇王金忠甥正統九年爲右都督以戰功封祿一千一百石十四年北征陷虜革爵歸復爵景泰五年薨特予子善嗣弘治中薨無子國除

招遠伯馬亮河南淇縣人正統九年爲右都督以勦泝河寇功封祿一千一百石十一年薨子麟爲指揮使

武清伯石亨見公表

昌平伯楊洪見侯表

定襄伯郭登直隸臨淮人景泰元年爲左都督大同

總兵以破虜功封祿一千二百石世襲天順元年革爲都督僉事八年復爵成化八年薨繼子嵩嗣十四年薨子叅爲指揮使

撫寧伯朱謙河南夏邑人景泰元年爲都督同知鎮守宣府以破虜功封祿一千二百石世襲二年薨子永嗣詳見公侯表

懷柔伯施聚北直隸通州人景泰三年爲左都督鎮守遼東以宿將有戰功封祿一千二百石天順二年予世襲六年薨子榮嗣成化元年薨子鑑嗣弘治八年薨子瓚嗣嘉靖八年薨弟瑾嗣嘉靖十五年薨子

熹嗣三十四年薨子嵩嗣隆慶三年薨乎光祖嗣

鎮遠伯顧興祖景泰三年以故侯復封見侯志

南寧伯毛福壽河南祥符人本降虜景泰三年以都

督同知勦苗寇功封祿一千石世襲天順二年薨子

榮嗣成化六年薨子文嗣弘治六年薨孫良嗣嘉靖

十九年薨子重器嗣三十四年薨無子弟邦器嗣四

十年薨無子弟國器嗣

南和伯方瑛全椒人景泰五年以左都督平苗功封

祿一千石世襲後見侯志薨子毅嗣天順六年削爵

成化七年卒子壽祥嗣嘉靖十年薨子東嗣三十八

年薨子炳嗣薨無子弟燁嗣

興濟伯楊善順天大興人天順元年為左都御史以

迎駕復辟功封奉天翊運推誠宣力守正文臣特進

光祿大夫柱國歲祿一千二百石世襲二年薨子宗

嗣成化元年降為指揮同知

海寧伯董興直隸長垣人天順元年為右都督以迎

駕復辟功封祿一千二百石世襲成化元年仍為右

都督十二年卒

文安伯張輓英國公輔弟天順元年為右都督以迎

駕復辟功封祿一千三百石六年薨子鑑嗣成化元

年革為指揮

豐潤伯曹義直隸儀真人天順元年為左都督鎮遼東以宿將積戰功封祿一千二百石世襲四年薨孫振嗣弘治二年薨子愷嗣嘉靖五年薨子棟嗣六年薨無子弟松嗣三十九年薨文炳嗣

武功伯徐有貞直隸長洲人天順元年為都察院左副都御史以迎駕復辟功封奉天翊運推誠宣力守正文臣特進光祿大夫柱國歲祿千一百石世襲武功衛指揮使是年奪爵流金齒四年赦回成化八年卒

武強伯楊能直隸六合人天順元年為右都督鎮守大同以破虜功封祿一千石四年薨無子弟倫為指揮使

高陽伯李文陝西西寧人天順元年為右都督以征虜功封祿一千石四年奪爵為都督僉事卒

定遠伯石彪亨從子天順元年為遊擊將軍以破虜功封祿一千一百石餘見侯志

宣城伯衛穎直隸華亭人天順元年為左都督以迎駕復辟功封祿一千一百石世襲四年以西征功弗奪成化二年增祿一百石弘治十一年薨子璋嗣正

德十二年薨子錚嗣嘉靖三十五年薨子守正嗣隆慶二年薨子國本嗣

昭武伯曹欽太監吉祥從子天順元年爲左都督以迎駕復辟功封祿一千二百石世襲五年謀反族誅國除

武平伯陳友直隸全椒人天順元年爲左都督以征苗功封祿一千石世襲見侯志薨子能嗣伯成化十九年薨子綱嗣弘治八年薨子勳嗣正德四年薨弟肅嗣嘉靖十年薨子大策嗣

懷寧伯孫鏗天順元年爲左都督以迎駕復辟及戰

功封見侯志

東寧伯焦禮山後人天順元年爲左都督鎮守遼東以宿將及殺虜功封祿一千二百石世襲七年薨孫壽嗣成化八年薨弟俊嗣弘治十三年薨子淇嗣正德五年薨弟洵嗣十四年薨從子棟嗣三十六年薨子文耀嗣

彰武伯楊信直隸六合人洪之從子天順二年以右都督延綏破北虜功封祿一千石八年再以戰功予世襲成化十三年薨子瑾嗣弘治二年薨子質嗣嘉靖十七年薨子儒嗣四十一年薨子炳嗣今爲總帥

歷任大將萬曆十五年薨子世階嗣

已上 英景二朝封

靖安伯和勇祖太師和寧王阿魯台父阿俺只降附為右都督成化元年為遊擊將軍右都督以兩廣功封祿一千一百石流爵十年薨子忠為錦衣衛指揮使

武靖伯趙輔直隸鳳縣人成化二年為都督同知征夷將軍以兩廣功封祿一千二百石流爵餘見侯志後減米三百石得世襲伯薨子承慶嗣正德二年薨子弘澤嗣嘉靖七年薨子世爵嗣萬曆二年薨子光

遠嗣

伏羗伯毛忠陝西涼州人本降虜成化三年為右都督以征西番功封祿千石流爵四年以征蒲四陣歿世襲孫銳嗣嘉靖二年薨子江嗣十二年薨無子弟漢嗣三十年薨從子桓嗣三十七年薨子登嗣

順義伯羅秉忠降胡沙州左都督困即來子成化四年為右都督以平蠻功封祿一千石流爵十六年薨子珍為指揮使

寧晉伯劉聚濬縣人太監劉永誠從子成化七年為左都督以延緩戰功封祿一千石九年再以功予世

襲十年薨子祿嗣十一年薨弟福嗣弘治十四年薨
子岳嗣嘉靖六年薨從子文嗣十七年薨子良璽嗣
三十年薨無子叔斌嗣隆慶四年薨子應元嗣

興寧伯李震河南南陽人成化十二年爲石都督湖
廣總兵以平盜功封祿一千石流爵十四年革二十
年復爵弘治五年薨子孫爲指揮使

威寧伯王越直隸濬縣人成化十六年由太子太保
左者御史以威寧海功封奉天翊運推誠宣力守正
文臣特進光祿大夫柱國歲祿一千二百石世襲十
七年復以塩池功增祿四百石十八年再以功增祿

五十石十九年奪爵弘治十年以太子太保左都御
史起總督十一年卒一子爲錦衣衛指揮僉事

昌寧伯趙勝遷安人成化十九年爲左都督以脩京
城功封祿一千石流爵二十三年薨孫鑑爲指揮使
已上 憲宗朝封

咸寧伯仇鉞正德五年爲遊擊將軍都指揮僉事以
平安化王寘鏞功封見侯表

已上 武宗朝封

新建伯王守仁浙江餘姚人正德十六年爲南京兵
部尚書以論平寧王功封奉天翊運推誠宣力守正

文臣特進光祿大夫柱國歲祿一千石世襲尋總帥
南征嘉靖八年薨得世襲隆慶二年子正億嗣萬曆
四年薨子承勳嗣

已上世宗朝封

寧遠伯李成梁遼東鉄嶺衛人萬曆六年由遼東總
兵太保左都督以破東虜功封奉天翊運推誠宣力
武臣特進光祿大夫柱國歲祿八百石八年復以功
世襲十年加祿百石十一年再加百石尋兩加五十
石已上萬曆封俱功臣

弁山堂別集卷三十八

